

حزیرانہ صحافت

۱۲۹۰

53

✽ صالی ✽

نومرو	شعبان	سنه	توز	سنه	صحیفه
۵۳	۶	۱۲۹۷	۱	۱۲۹۶	۴۱۷

✽ اشبو غزته بهر هفته صالی کونلری چیقار . سنه لکی التمش غروش و بهر نسخہ سی التمش پاره
✽ مجیدیه اوله رق هر یرده صاتیلور . درج اولنه جق اعلا تاتک بهر سطرندن ایکی غروش النور .
✽ سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتلیدر ✽

(محکمه تمیز جزا دأره سندن و بریلوب باش)
(مدعی عمومیلکنندن تبلیغ اولنان ۲۷ جادی)
(الاخره سنه ۹۷ و فی ۲۴ مایس سنه ۹۶)
(تاریخی و یوز یکر می بر نومر ولی اعلامک)
(صورتیدر)

دیمتوقه سنجاغنه تابع سپاهیله قریه لی سالمک خانه دنه
کیروب اشیا و اچقه سنی سرقت ایتسندن طولای
هیئت اتهامیله دن جنایتله اتهام ایدلمش اولان لواء
مذکوره مضاف رمضان قریه لی احمد اوغلی بکرک
جانب محکمه دن منصوب و کیلی محمد بکک مفسوخیت
ادهاسته قیام ایتمش اولدیغنه دأر اولوب ادرنه
محکمه استینافیه سی مدعی عمومیلکنندن غره صفر
سنه ۹۷ و فی ۱ کانون ثانی سنه ۹۵ تاریخی و فرق
ایکی نومر ولی تحریرات ایله کوندریلان اوراق باش
مدعی عمومیلک مأموریت بهیبه سندن و یریلان
۲۸ ربیع الاول سنه ۹۷ و فی ۲۷ شباط سنه ۹۵
تاریخی تبلیغنامه ایله برابر محکمه تمیز جزا دأره سنه
مطالعہ قلندی

(فی ۲۸ حزیران سنه ۹۶ تاریخله عدلیه)
(نظارتندن بالعموم مدعی عمومیلره کشیده)
(اولنان تلغرافنامه صورتیدر)

تعرفه جدیده موجب نجم تبعه دوات علییه و تبعه
اجنبیه دن مساواة عموم اعلامات خرجلرینک مجیدیه
یکرمی غروشه اوله رق التمشی و شوقدر که معاملات
حسابیه جه قاریشفاق اولماق ایچون مبالغ
مستحصله قیدینک مجیدیه اون طقوز غروشه اوله رق
یور یدلمسی باتذکره سامیه تبلیغ یورلغله سنه
حالیه مالیه تموزی ایتداسندن اعتبارا اول وجهله
معامله اولتمق اوزره محاکم رؤسائنه و ایجاب ایدنلره
تبلیغات اجرایی قطعیا بیان و ولایاته ده معلومات
و یرلمسی ایچون مالیه نظارت جلیله سنه بیلدیرلیدیکی
اخطار اولنور

مذکور تحریرات مالی وکیل محمد بک مفسوخیت ادعا نامه سنی مدت نظامیه سی ظرفه محکمه به ویرمیش و مفسوخیت ادعای محاکمه کریشلردن اول وقوع بولدیغی حالده تحقیقات محاکمه درجه سته قدر کورتوریلوب محاکمه باشلانلیغی جنی اصول محاکمات جزایه قانون موقتک ایکبوزالی نتیجی ماده سنه محرر بولمیش اولدیغنه بناء قانون مذکورک ایکبوزالی بشنجی ماده سی احکامنه توفیق معامله اولمسی لزومندن عبارتدر

وکیل محمد بک لایحه اعتراضیه سنده هیئت اتهامیه دن تنظیم اولنان قرار نامه ده موکلی بکریک اوطه دیوارینی دلهرک سرقرته جرأت ایلدیکنی اقرار ایش اولدیغنه بناء جنایتله اتهامنه قرار ویرلدیکی کوسترلمش ومدعی عمومینک اتهامنامه سنده دخی قرار مذکورک تحت حکمه الیمسی دعوی اولمیش ایسه ده موکلی مرقوم بکریک دلمش اولدیغی دیوار اولیوب عادتاً چیتدن معمول واوزرینک صبورلی دوکلش برشی اولدیغندن مذکور چیت چوققرینی سوکوب فعل سرقرته جرأت ایلیمسی واستنطاقنده هر نه قدر اون طقوز باشنده اولدیغی کوسترلمش ایسه ده ناصیه حالندن هنوز اون الی باشنده اولوب علی الخصوص بلهادن اولمسنه مبنی اجرا ابتدیکی فعلک تیجه سی برجرم اوله جغنی تمیز ایلدیجک درجه ده قوه میره اصحابندن بولنمسی جهتنر یله موکلنک شوسن وحالنه مرجه هیئت اتهامیه قرارینک جنحه درجه سنه تزیل ایلیمسی ادعا ایشدر

ذکر اولنان تبلیغنامه ده دخی وکیل محمد بک شو ادعای قانون مذکورک ایکبوزالی دردیجی ماده سنده محرر اسبابدن بولنمیوب اعتراضات مذکورنک تدقیق انجق جنایتی رویت ایلدیجک محکمه به عائد اولدیغی جهتنه مذکور مفسوخیت ادعای ردی لزومی وشوقدرکه ماده مذکور

اقتضای سنجیه هیئت اتهامیه قرارلی حقیقه اعتراضه محل اوله جق اسباب اربعه دن بری دعوی اولنان فعلک قانونا جنایت نوعندن معدود اولمسی مادی اولوب بویله براعتراضک درمیان اولنه بیلیمسی ایته هیئت مذکورنک قرارنده قانونک ماده متعلقه سنک ایراد اولمش بولمسنه متوقف بولنهرق درمیان اولنه جق بویله براعتراضک ایسه محکمه تمیزجه تدقیق اولنوب بجا اولوب اولدیغنک اکلاشیه بیلیمسی ایچون درون قرارده یانکز فعلک صدورینه اثر تفرعات وقوعاتک تصریح و ترقیمی کافی اوله میوب وقوعات مذکورنک مناسبتی اولان قانون جزا ماده مخصوصه سنک ذکر و ایرادی دخی لازم بولدیغنه و یوخسه یانکز وقوعاتک ذکر یله قانونه اولان مناسبتندن بحث ایتهرک ساده جه بو فعل افعال جنایتیه دندر عبارتله سنک تسطیر یله برآمدک جنیت محکمه سنه ارسالی قانونا جائز اوله میوب چونکه بومقوله احوالده وقوعات ایله قانون بیننده ارا نلی لازم کلان تطابق و مناسبت ماده سنک بوصوله غیر قابل اوله جغه وحالبوکه قانون مذکورک ایکبوز اون اوچنجی ماده سنک هیئت اتهامیه مظنن علیهک فعلی قانونا جنایاتندن معدود اولدیغی و اتهامیچون دلائل کافی بولدیغی حالده جنایتی رویتیه مأمور محکمه به ارسالی امر ایدر و ایکبوز این دردیجی و ایکبوز اون بشنجی ماده درنده دخی مظنن علیهک اتهامنه قرار ویرلدیکی حالده تنظیم اولنه جق مضبوطه درجی لازم کلان اخذ و گرفت امرده مظنون علیهک اتهامی مستلزم اولان فعلک تعریف مجملیه قانونا قغنی نوع جرایمدن معدود اولدیغی بیان اولمسی مشروط اولوب مواد مذکوریه جاری اولمیان اوامر مذکورنک کانلم یکن حکمه طویله جغنی عباراتی مسطور بولمیش اولدیغنه و مضبوطه مجبوت عنهاده ایسه فعلک تعریف مجلی

موجود ایسه ده بونک جنایاتندن معدود اولدیغنی مبین نه متن مضبوطه ونه ده اجزای تمسسه مضبوطه دن بولنهرق نهایتنده مندرج بولمقی لازم کلان اخذ و گرفت امرنده برکونه ماده قانونیه کورنمدیکنه نظرا فعل مذکورک جنایاتندن معدود بونی قغنی متن قانونی به مستند بولدیغی اکلاشیه مامقده اولدیغنه و قرار نامه ده خلاصه ذکر اولنان مدعی عمومی تقریرنده دخی بوکا دایر برکونه ماده قانونیه کورنمدیکنه و فعل سرقرنک علی الاطلاق جنایاتندن عد اولنان نوعی حقیقه قانون جزا ده مواد مختلفه بولنوب بونک قغنیسه عطفاً تطبیق اولمش اولدیغی بیلنه مدیکنه مبنی مدعی عمومی و هیئت اتهامیه لرحه بوکی نقصان معاملات وقوعه کتورلماک اوزره صادر اوله جق حکمه جهت مذکورنک دخی قرارالته الیمسی لزومی کوسترلمشدر

کیفیتک تدقیقات تمیزیه سنه لدی الابداری هیئت اتهامیه مضبوطه سی علیهنه واقع اولان مفسوخیت استدعای مذکور تبلیغنامه ده محرر اولدیغی اوزره اصول محاکمات جزایه قانون موقتک ایکبوزالی دردیجی ماده سنک تصریح ایلدیکی اسباب اربعه دن بر یسنه مستند اولمق لازم کلوب ذکر اولنان استدعا نامه ده مندرج اولان صورت ایسه شوا سباب قانونیه دن معدود اولدیغندن استدعای مذکورک ردینه و تبلیغنامه ده مندرج اولان دیگر جهته کلنجه هیئت اتهامیه مضبوطه لرنده افعال جنایتیه نک جزا قانوننامه همایوننک قغنی ماده سنه نظرا جنایاتندن عد ایلدیکی تصریح اولمقی مقتضی اولدیغنه بناء بویله تبلیغنامه مذکورده بیان اولنان مطالعات دخی اساساً بجا کورنمکه اولیابده محکمه ایجاب ایدن

وصایانک اجراسنه قرار ویر یله رک اوراق طاقیه اعاده قلندی

- (محکمه تمیز جزا دائره سندن ویریلوب باش)
(مدعی عمومی لکنندن تبلیغ اولنان ۲۷ جادی)
(الآخره سنه ۹۷ و فی ۲۴ مایس سنه ۹۶)
(تاریخی و یوز بکرمی درت نومرولی اعلامک)
(صورتیدر)

دیمتوقه سنجاغنه تابع اورته کوی قضاسنه ملحق ارمودلی قریه لی عزیز بن قره علی و عمر ویران قریه لی دلی اسماعیل اوغلاری عزت ورجب و نظیف و قورز جفاز قریه لی صادق بن سلیمان و بکیجه کوبلی ابراهیم بن خلیل نام شخصلرک فرارده بولنان مهاجر عبیدی ایله برابر مسلح کشت و کذار ایله شوکا بوکا ایصال دست خسار و حیوان سرقتی کبی فضاحتیه اجتناسار ایلدیگری اقرارلی و امارات ایله تبین ایش اولدیغندن مرقومونک هیئت اتهامیه دن جنایتله اتهام اولمندن طولابی مرقومونه جانب محکمه دن وکیل نصب و تعیین قلنان رائف وصفی افندیکنک مدت نظامیه سی ظرفه مفسوخیت ادعاسنه قیام ایش اولدیغنه مبنی اولیابده اولان اوراق ادرنه ولایتی مدعی عمومی لکنندن ۱۲ محرم سنه ۹۷ و فی ۱۴ کانون اول سنه ۹۵ تاریخی وایکی نومرولی تحریرات ایله کوندرلمش اولفله باش مدعی عمومی لک مأموریت بهیه سندن ویریلان ۱۹ ر سنه ۹۷ و فی ۱۸ مایس سنه ۹۶ تاریخی تبلیغنامه ایله برابر محکمه تمیز جزا دائره سنده مطالعه قلندی

وکیل مومی الیه رائف وصفی افندیکنک لایحه اعتراضیه سنده مرقوم عزیزک بعض فضاحتیه جرأت

ایلدیکنه وریساری عزت بواندیغه و دیگرلینه
دخی عزونتهمت ایلسی رونما اولدیغنه و مر قومونک
اتهانمه کافی اخبارات عد اولته میه جغی بیدار
بولدیغنه بناء مر قومون حقلرنده دیگرلینک ادعا
وافاده لری دخی ثبوت تهملرینه بشقهجه اماره
قویه و صحیحه صایله میه جغی و حکمه منتهی اوله -
میه جغی و بونلرک هیئت متحده تشکیلیه مشترکا
سرفته اجتناسارلری مطالعه سنی تأیید ایدر برکونه
سر رشته کوربله میدیکی اجلدن بوباید جنایتله
اتهاملرینه ویریلان قرارک مفسوخیتی ادعا اولمشدر

مذکور تبلیغنامه مآلی دخی مفسوخیت استدعاسنده
بیان اولنان اسباب نقضیه نک اصول محاکات جزاییه
قانون موقتک ایکوز الی دردنجی ماده سنده بیان
اولنان اسباب اربعه دن بولدیغنه و بومقوله ادعایده
ایسه اسباب اربعه مذکورده دن بشقه اعتراضاتک
درمیان اولمشی قانونا جاز اولدیغنه مبنی ادعای
مذکورک ردیله مارالذکر هیئت اتهامیه مضبطه -
سنگ تصدیقی ایجاب ایده جکی بیاندن عبارتدر

کیفیتک تدقیقات تمیزیه سننه لدی الابددار وکیل
مومی الیه رائف وصفی افندیسنگ مذکور لایحه ده
سرد ایلدیکی اعتراضات اصول محاکات جزاییه
قانون موقتک ایکوز الی دردنجی ماده سنده محرر
اسباب اربعه میه مستند اولدیغندن ذکر اولنان
مفسوخیت استدعاسنگ ردینه قرار ویرلدی

- (محکمه تمیز جزا دأر سندن ویریلوب باش)
- (مدعی عمومیلکنندن تبلیغ اولنان سلج جادی -)
- (الآخره سنه ٩٧ و فی ٤٧ مابیس سنه ٩٦)

(تاریخلی و یوز یکریمی بش نومرولی اعلامک)
(صورتیدر)

مقدما از مبرده قومپانیا تشکیل ایدرک لیلان ونهارا
خانه ومقارزه صومقله مألوفی اولان سارقلردن اولوب
قانون جزانک ایکوز یکریمی برنجی ماده سنه ترفیقا
اون بش سنه کورک جزاسیله محکوم اولدیغی مالدیه
مسکسان سکر سنه سی رمضانک اون دردنجی کونی
حبسخانه دن فرار ایدرک طقسان بش سه سی
ذی الحججه سنگ یکریمی بدنجی کونی درسعدتده
طوتیلوب ضبطیه نظارتی معرفتیه از مبره اعزام
اولمش اولان تبعه دوات علیه دن یورکی بوجه
حقنده اجرا قلنان تحقیقات ومحاکمینی حاوی آبدین
ولایتی مدعی عمومیلکنندن فی ٢٧ محرم سنه ٩٧
تاریخلی و اوتوز سکر نومرولی تحریرات ایله
کوندریلان محکمه استیناف ولایت اعلامیه ایراق
متفرعه سی وباش مدعی عمومیلک مأموریت بهیه -
سنگ ٢١ ربیع الاول سنه ٩٧ و فی ٢٠ شباه سنه
٩٥ تاریخلی تبلیغنامه سی محکمه تمیز جزا دأر سنده
مطالعه قلندی

مذکور اعلام مآلنده مر قوم یورکی بوجه ونان
دواتی تبع سندن اولدیغنی افاده ابتدیکی جهتله
دوات مشار الیه اترجانی حاضر اولدیغی مالدیه
استنطاق ایلدکده اسمی یتر قوموایتو اولوب
بنوس اطهلی و اوتوز سکر یاشنده متأهل بولدیغنی
ویکریمی ایکی یاشنده ایکن شیریه کیدرک ایکی بچق
سنه اقامت و صکره استانبوله عزیمتله مناواق
ایتدیکنی ومؤخر سلائیکه بالعزیمه تحت القعه ده
بش التی سنه توتونجیلک وینه شیریه عزیمتله اول سنه
متمادیا مناواق ایدوب هیچ حبس اولدیغنی طقوز
آی مقدم قلاص و ابرائیه مال کوتوروب صتمقده
وبومالی استانبولدن تدارک ایتمکده ایکن کننوسی
فراری یورکی بوجه دینلرک استانبوله طونلوب

از مبره کوندرلیدیکنی و حالبوکه کندوسی یورکی بوجه
اولدقدن بشقه شمعی به قدر هیچ از مبره کلدیکنی تذکار
ایتمش ایسه ده محکمه بدایت کنبه سندن اولوب
اولوقت استنطاق او طه سننده بولمش اولان حمید
افندی مر قوم یورکی بوجه بی طانیوب اون بش
کشینک ایچندن تفریق وارائه ایلدیکنی و حبسخانه
محافظه سننده بولنان مورولی حسن اغا و ژورنال
امینی بانوس اغا ورستم افندی ومفتیسالی امین
وشریف وبوسنه لی لطیف چاوشلر ایله اون باشی
خلیل اغا شخص مر قومک یورکی بوجه اولدیغنی
قسمله خبر ویرملرینه نظر امر قومک انکاری واهی
اولوب یورکی بوجه اولدیغنی تحقیق ایتمسنه مبنی
بونک یورکی بوجه اولدیغنه دأر معلوم الاسامی
کسانک وقوع بولان اخبارلری شایان قبول کوربله -
ماش و مر قوم حقنده محلجه لاحق اولان حکمک
محکمه تمیزجه تحت تصدیقه کیرم کمزین فراری وقوعه
کلش اولدیغنی جهتله قانونا تمدید مدت جزاییه سنه
کیدیه مبوب مقدمات تحت توقیفده بولدیغنی سکر ماه
اون برکون محسوب ایدیلرک مبدأ حبس اولوق ایجاب
ایدن طقسان بش سنه سی ربیع الآخرینک اون
التنجی کونبندن اعتبارا اون بش سنه مدتله کورکه
قولمسنه قرار ویربلرک تفهیم اولدیغنی کوسرملشدر

مذکور تبلیغنامه ده مر یورکی بوجه نک از مبرده
متشکل قومپانیا به داخل اولدیغنی و تبعه دولت علیه دن
بولدیغنی اعلام مذکورده مندرج اولوب دردست
ایدیلان شخص ایسه یونانلی واستندیل اطهلی
اوله رق از مبره برنجی دفعه اولوق اوزره کتدیکنی
سویلمش وفرار ایدن سارق بوجه نک از مبرلی اولدیغنی
حالدیه زهلی اولدیغنی و طوتیلان اوراق نقطیه
حقیقه بالمطالعه و دردست ایدیلان شخصک برنجی
دفعه اوله رق از مبره ایاق باصوب باصمدیغنی دخی

مرور تذکره سی او طه سننه لدی المراجعه تحقیق
ایده جکی آشکار بولمش و مر قوم استندیل اطهلی
اولدیغنی عمادکنندن شاهدله اثباته مقتدر اولدیغنی
افاده ایتمش ایکن بونقطه نظر تدقیقه المدیغنی کبی
محکوم مر قومک مناواق ایله مشغول اولدیغنی حالده
ابرائیل وسلانیک وشیره شهر لرینه و اخیرا درسعادته
کلش اولدیغنه دأر اولان ادعای دخی تحقیق
اولمش اولسه حقیقت حالک صورت مقنعه ده ظاهر
اوله جغی بیدار و ابراز اولنان مر ورتذکره سی محکوم
مر قومک یونانلی اولدیغنه دلالت ابتدیکی و بونک
صحتی حالنده نه نتیجه حاصل اوله جغنیک تحقیق لزومی
درکار بولمش ایکن بوراره اصلا عطف نظر دقت
اولتمه رقی و مر قومک بوجه دیو علیه بنده ادای
شهادت ایدن مأمور بندن بالکز حمید افندیسنگ
اخباری اطرافلی وموضح اولوب دیگرلرینک
افاداتی بالکز بو آدم بوجه در دیکدن و مر قوم بوجه
ایله محبسه یاقوب قالمش و بنا برین محبوسینه
نظارت ایدن و یا عند الاستنطاق بر قاج دفعه کندو -
سیله کوریشان مأمور بندن زیاده شخص حقنده
معلوماتلری اولوق لازم کلش اولان و محکوم مر قوم
لهنده ادای شهادت ایدن کیمسه نک اخباری بو آدم
بوجه دیکدر دیو افاده دن عبارت بولمش اولدیغنی
ومأمورین مر قومه نک یکدیگری بی تأیید ادای
شهادت ایتملرنده اسباب موجب بولدیغنی محکوم
طرفندن درمیان ایدلیدیکی حالده ایشک بوجهتی
دخی عرض و عمیق مطالعه و تدقیق اولتمسزین
مر قومک بوجه اولدیغنه حکم ایدلمش و متهمی
مدافعه ایچون تعیین اولنان و کیمینک صورت
مدافعه سی اعلامه درج ایدلمش اولدیغنی بیانیله
استنطاق و تحقیقات واقعه نک نقصان اولدیغنه
ومحاکمه نک اصوله مفایر صورتده جریان ایتدیکنه
وبو خصوصیت محکمه جده تدقیق اولانه جق جهت

انجق فرار ايدوب مؤخرا اخذ وكرفت ايدبلان
بر محكومك اثبات هويتى مسئله سى اولديغندن اصول
محاکات جزاييه قانون موقتك در تيزوز اونجى ماده سيله
مواد متعاقبه سنده مصرح اولديغى وجهله بومقوله
احوال حقدنه ويريله جك حكملرك مدعى عمومى
ويا محكوم عليهك طلبى اوزرينه وطوغريدن
طوغرى به مقدمكى حكمى ورن محاكم طرفندن اعطا
اولنه رقى بشقه معاملاتنه حاجت اولديغى حالده
ايشك هيئت اتهاميه به حواله سى ومدعى عمومى
طرفندن اتهامنامه تنظيمى وهيئت اتهامه جانبدن
اتهام مضبوطه سى ترتيبى ككى معاملات زائدهك
اجراسى مخالف قانون بولنديغنه اعتراض ايدلمشدر

محكوم عليه طرفندن وپرش اولان لايحه اعتراضيه نك
خلاصه مندرجاتى دخى كندوسنك عن اصل يوناقى
اولوب هيچ پروقت از ميره كلديكنه دائر شاهد جلب
واقامه سيچون محكمه دن مهل طلب اولديغى حالده
مساعده اولنديغنه واقامه ايتديكى سار شهودك
سوزلى معتبر طوتلوب قانونا قبوله شايان اولميان
شهودك افاده لى نظر اعتباره التديغنه دائردر

كيفيتك تدقيقات تميزيه سى لى الاجرا بومقوله
فرار يله حقدنه اجراسى ايجاب ايدن معاملاتك ذكر
اولنان اصول محاکات جزاييه قانون موقتك باب
رابنك فصل خامسندنه مندرج اولان احكامه توفيقى
لازم كلوب او فصلده ايسه ايشك هيئت اتهاميه به
حواله سنده واتهامنامه تنظيمى دائر كونه حكيم و اشارت
اولنديغنه بناء هيئت اتهاميه نك بو ايشه صلاحيت
خارجنده باغش اولديغى اكلاشلوب محكمه مذكوره نك
محاكمه و حكومى دخى مغاير قانون اوله رقى بوكا بنا
ايدلمش اولمسييله كرك بو بايد و كرك اصولا اكالى

ايجاب ايدن نواقصى تحقيقات حقدنه مذكور تبليغ
نامه ده مندرج اعتراضات ومطالعات بجا اولديغندن
اعلام مذكور نقض ايدلكه احكام قانونيه دائر سنده
اكال تحقيقات واصلاح حكم ايدلك اوزره بومقوله
دائر اورا قك محكمه مذكوره به اعاده سنده قرار وړلدى

(محكمه تميز جزا دائره سندن ۱۳ رجب سنه)
(۹۷ نار بئيله تنظيم وباش مدعى عموميله)
(تبليغ اولنان اعلامك صورتيدر)

عربكبر قضاسى اهالي سندن ارزان اوغلى حسين
افدينك شيخ نام كيسه نك خانه سنده بر اقبش اولديغى
ياغك سرقت اولمسنندن طولاني جريان ايدن تحقيقاتى
ولاحق اولان حكمى حاوى لوا بدایت محكمه سى
جزا دائره سنى اعلاميله اوراق سار سه سى خربوت
سجناغى مدعى عمومى معاونلك سندن ۱۰ ذى القعدة
سنه ۹۶ و فى ۱۳ تشرين اول سنه ۹۵ تاريخلى
ودرت نومرولى تهريرات ايله كوندرلش اولغله
محكمه تميز جزا دائره سنده مطالعه اولندي

ماكنه نظرا عربكبرى مائل اوغلى مولود يكرى يكي
ياشنده بولنان لوله جى اوغلى اوسب ايله برابر مرقوم
حسين افدينك شيخك خانه سنده بر اقبش اولديغى
ياغك اوج طولومنى خانه مذكور دن لپلا سرقتله
يكرى ياشنده اولان قيوچى اوغلى قره نك خانه سنده
اخفا ابلدكار بى قضا بدایت محكمه سنده اقرار
ايتدكارى حالده مؤخرا لوا بدایت محكمه سنده نو
اقرار بى انكار ايتمش ايسه ده لمصلحه اواده بولنان
قائم مقام وكلى طوسون اغا ايله محكمه كاتى محمد نعيم
افدينك مواجهه وقوع اخبار لى ومسروق بئيلر
قره نك خانه سنده بولنوب صاحبنه رد وتسلم
قائم سى اماره سيله مدخلى تبين ايتمش ومر قوم مولود

ديكر سرقت ماده سندن طولاني اوج سنه مدته
محكوم بولمش اولديغندن مرقوم اوسبك ايكيوز
يكرى ايكيجه ماده قانونيه به توفيقا وتاريخ موقوفى
اولان طقسان التى سنه سى ججادى الاول سنىك
سكزنجى كونندن اعتبارا اون سكز ماه وقره نك
مذكور ياغلك مسروق اولديغى ييله نك خانه سنده
اخفا ايله بتاقلق ايدىكي تحق ايتمسنندن طولاني
ايكيوز اوتوزنجى ماده قانونيه نك ذيلنه تطبيقا
طقوز ماه مدته حبس وتوقيف لرينه وخرج اعلام
اولان بوزالى غرو شك دخى مرقوم لردن استحصاليه
حكم ايديله نك تبليغ اولنديغى اكلاشلمش ومر قومان
طرفندن و پريلان اعتراض ورقه سنىك كوندرلدىكى
دخى معاون مومى اليهك جله اشعار اتندن بولمشدر

مر قومان حقدنه حكم اولنان جزا قانونا جنجه
اواعندن و بناء عليه قابل استينافى مواد دن
اولمسييله هنوز محكمه تميزه تعلق ايدر جهتي كوريله
مدىكندن اوراق مرقومه نك اعاده سنده قرار وړلدى

(الى ايكيجه نومرولى جريده محاكمه مندرج)
(اعلامك بقيه سى)

وملغى عمومينك جزا قانوننامه سنىك التمش ايكيجه
ماده سى حكمنجه تعيين جزا لى طلب وادعا به
حتى اوليوب حركت واقعه لىك التمش در دنجى
ماده به تطبيق اولنه بيلمى وائشائى استنطاق لرنده
طرفين لساننه آشنا ترچان بولندير مامسى جهتلرندن
عبارت بولمشدر

ذكر اولنان تبليغنامه ده دخى كچه حكمى اعطا
ايدن هيئت اتهاميه اعضا سنىك عددجه مقدار
قانونيسنىك مادوننده بولمسي مفسوخيت ادعائى

مستلزم اولان اسباب اربعه قانونيه دن معدود بولمش
ايسه ده مذكور هيئت اتهاميه نك صورت متشكله سى
ولايات استينافى محكمه لى زندنه بولنه جق هيأت
اتهاميه لرك مركز ولايت اولان لوا بدایت محكمه -
سنىك رئيس ثانيسى ايله اعضا سندن ديكر ايكي ذاتن
تركب وتشكيل اولمسي حقدنه فى ۲۱ ذى الحجه
سنه ۹۶ و فى ۲۴ تشرين ثانى سنه ۹۵ تاريخنده
تسطير قلنان تهريرات عموميه نك احكام مندرجه سنده
موافق اولديغى كى اصول محاکات جزاييه قانون
موقتك ايكي يوزنجى ماده سنده هيئت مخصوصه
اتهاميه لوا بدایت محكمه سى اعضا سندن اوج ذات
بالتفريق تشكيل قلنه جنى محرر اولوب هيئت مذكوره نك
بش كشدن ترتيبى حقدنه واقع اولان اعتراض ايسه
لوا بدایت محكمه لر ينك صورت تشكيلنه معطوف
بولنديغى جهته شايان التفات كوريله مامسنه و متهمون
مر قومونك اجرا قلنان استنطاق لرنده يونان دولتى
قونسلا توسى ترچانك حضور لريله اوراق
استنطاقيه ده دخى امضاسى بولنديغى ينه كندولر نك
ذكر اولنان ادعا نامه لرنده مندرج اولوب شو حالده
ائشائى استنطاقده مستنطق معيتمده طرفين لساننه
آشنا بر ترچان بولندير مامسى حقدنه اولان اعتراض
دخى شايان اعتبار اوله مدبغى ككى ذاتا اسباب
اربعه دنده معدود اولمامسنه وقالديكه مدعى عمومينك
اشخاص متهمه مرقومه نك حركت واقعه لر ينك
ماده قانونيه مذكوره به تطبيق طلبده اصابت
كوريله مامسى بختنه كلنجه بو اعتراضك ايسه جنابى
رؤيته مامور اولان محكمه نك تقدير ايدى جى مواد دن
اولوب كذلك بونك دخى اسباب اربعه دن بولمامسنه
نظرا مفسوخيت دعواسنى موجب بر حال كوريله -
مدىكندن مفسوخيت دعواسنى ردى لازم كلديكى
بيان اولمشدر

کیفیتک تدقیقات تمیزیه سنه لدی الابدتدار اشخاص
 مر قومه نك مفسوخیت استدعا نامه لنده سرد
 ایلدکاری اعتراضات اصول محاکمات جزاییه قانون
 وقتک ایکویوز الی دردنجی ماده سنده محرر اسباب
 اربعه یه مستند اولدیغندن ذکر اولتان مفسوخیت
 استدعانا مه لری نك ردینه ۴ رجب سنه ۹۷ تاریخنده
 قرار ویرلدی

اعلانات

کفیل صراف یما ایدینک رفعت اقدی یه با اعلام محکوم به
 دینی بولتان مبالغ معلومه نك تسویه سی ضمتده کفیلک
 عهده سنده بولتان بک اوغلنده کوچک پرمق قپوده
 اوتوز نومر ولی خانه سی ویکرمی سکر نومر ولی عرصه
 بوندن اقدم مزایدیه قونیه رقی ایرا یوز غروشدن
 یکرمی بدی بیک غروشدن خانه طالبی عهده سنده
 تقرر ایتمکله بوندن زیادیه طالب اولنلر وار ایسه
 تاریخ اعلاندن نهایت اوتوز بر کونه قدر در سعادت
 مرکز اجرا دائره سنه مراجعت ایللری اعلان اولنور

۱

دستورک دردنجی جلدی

دستورک دردنجی جلدینک طبعی ختام بوله رقی
 میدان انتشاره قونلشدن . اشبو جلدک حاوی
 اولدیغی قوانین و نظامات «ملکیه» و «علیه»
 و «عدلیه» و «مالیه» و «رسومات» و «معارف»

و «تجارت» و «نافعه» و «بلدییه» و «بحریه»
 و «متفرعات» دیه اون بر تقسیمات اساسیه یه مقسم
 اولدقلری حالده یوز سکسان قدر قوانین و نظامات
 و تعلیماتدن عبارتدر که بونلر شمده یه قدر وجوده
 کنورلش اولان اصلاحات عمومیه یه عائد سیلر
 اولدقلرن دن اصلاحات جدیده نك صورت عمومیه سی
 جامع یک کوزل بر مجموعه مهمه تشکیل ایللشدن .
 طوغریدن طوغری یه باب عالی طرفندن اداره بولتان
 محلا ره مخصوص اولان اشبو قوانین و نظاماتدن
 ماعداینه دولت علیه نك بروایت مختاره سی نیک
 اولان شرقی روم ایلی ولایتک نظام اساسی ایله
 متفرعات دخی بو دردنجی جلدده ذیل ایللشدن .

شو حالده ۱۱۳۰ صحیفه یه وار مقده بولتان اشبو
 جلدک الافرنقه مجلدی ایچون الی و اجراسی
 ایچون قرق بش غروشه فیئات وضع اوله رقی
 بالجله کتاب صاتیلان محلا ره فروخت اولنمقدنر .

اصول محاکمات حقوقیه و جزاییه و تشکیل محاکم
 و اعلاماتک صورت اجراسی قانونلریله شرح
 تعرفه سی عدلیه اوازم مأموریتنده و سلطان محمود
 تر به سی نزدنده معارف کتبخانه سیله صحاف چاپشو
 سنده بسیم اقدی دکاتنده طاقی اون بر غروشه
 صاتیلقده در